



22 FEB, 2025

KAWAN JADI LAWAN

Harian Metro, Malaysia



Oleh Saiful Affendy Sapran
saifulaffendy@hmetro.com.my

Kuala Lumpur

Dua penyerang sensasi negara, Faizal Saari serta Muhammad Azrai Aizad Abu Kamal melupakan seketika persahabatan mereka apabila kedua-duanya mempunyai misi menjuang Piala TNB pada aksi final di Stadium Hoki Nasional Bukit Jalil, hari ini.

Faizal yang beraksi untuk Pasukan Hoki Terengganu (THT) mempunyai misi meraih gelaran treble selepas membantu pasukannya memenangi

KAWAN JADI LAWAN

Faizal, Azrai berebut julang kejuaraan dalam aksi final

Piala Sumbangsih dan kejuaraan liga manakala Azrai yang menjadi tonggak utama TNB, tidak rela melihat Piala TNB dirampas THT.

Memburu gelaran treble kali kedua bersama THT selepas melakukannya pada musim 2023, Faizal berkata, dia tidak mahu memikirkan gelaran anugerah penjaring terbanyak selepas mendahului carta penjaring dengan 23 gol ketika Azrai hanya kurang dua gol berbandingnya di tempat kedua.

“Kami mengekalkan rekod tanpa kalah dalam 11 perlawanan dan jika boleh, kami mahu menang semua perlawanan musim ini untuk menjadikannya lebih bermakna

buat saya dan THT.

“Sama ada memenangi anugerah penjaring terbanyak atau tidak itu perkara kedua, yang penting mahu cipta kemenangan buat pasukan,” kata pemain berusia 34 tahun itu.

Jaringan tunggal penyerang negara berusia 34 tahun itu membantu THT mara ke pentas final selepas menundukkan Matador Hockey Club 1-0, pada aksi separuh akhir, kelmarin.

Sementara itu, Azrai yang menjadikan Faizal sebagai idolanya, tidak rela berdepan satu lagi kecewaan selepas TNB gagal mempertahankan Piala Sumbangsih dan kejuaraan liga yang dirampas semula THT.

TNB PIALA TNB

HARI INI

Tempat ke-3/4

Matador **mln** Maybank Hockey Club
(4 pgt)

Final

THT **mln** TNB
(8.30 mlm)

PIALA VIVIAN MAY SOARS

HARI INI

Tempat ke-3/4

Qnet **mln** Negeri Phoenix Sembilan
(2 pgt)

Final

Blue **mln** Malaysian Warriors University
(6 pgt)

Semua perlawanan di Padang 2, Stadium Hoki Nasional Bukit Jalil

“Perkara paling penting untuk saya adalah memenangi Piala TNB. Tak guna kalau saya dinobatkan sebagai penjaring terbanyak tetapi kami kalah.

“Kalau boleh memang saya tak mahu lepaskan peluang terakhir ini. Sekurang-kurangnya selepas kami gagal mempertahankan dua piala, kami dapat bawa pulang satu piala,” katanya.

Azrai menyumbang dua gol ketika membantu TNB menewaskan Mabyank 7-4 pada aksi separuh akhir, kelmarin.

“
Jika boleh,
kami mahu
menang semua
perlawanan
musim ini
Faizal

AZRAI yang menjadi tonggak utama TNB, tidak rela melihat Piala TNB dirampas THT.

